




ՔԱՀԱՆԱՅԱԿԱՆ ԶԵՌՆԱԴՐՈՒԹՅՈՒՆ ՄԱՅՐ ԱԹՈՌՈՒՄ

Սույն թվականի հուլիսի 28-ին, կիրակի օրը, հոգևոր մխիթարության և ուրախության օր էր Մայր Աթոռում: Հանդիսավոր ա. պատարագի ընթացքում Ս. Էջմիածնի հոգևոր ճեմարանի երկու շրջանավարտներ՝ Էդվարդ արկ. Միրզախանյանը և Կամո արկ. Մովսիսյանը կոչվեցին ի սպասավորություն Հայաստանյայց Ս. Եկեղեցու և հավատավոր հայ ժողովրդի:

Նախորդ օրը, հուլիսի 27-ին ըստ Հայ եկեղեցու Զեռնադրության Մաշտոցի, տեղի ունեցավ բարեշնորհ սարկավագների «Յերեկոյէ կոչումն քահանայութեան» կարգը, ձեռամբ գերշնորհ Տ. Ներսես արքեպիսկոպոս Պողոսյանի և խարտավիլականությամբ հոգեշնորհ Տ. Մամիկոն արքեղա Քիլեճյանի:

Հոգեշնորհ հայր սուրբը վկայեց նորընծաների հոգևոր-խնայական պատրաստվածության և քահանայական ձեռնադրության արժանիքների մասին: Ապա նորընծաները խոստացան «յանձն առնուլ և կատարել զամենայն հրամանս սրբոց առաքելոցն և հայրապետացն և կալ ըստ կանոնացնոցա», «ամենայն պատրաստությամբ եւ առանց ձանձրանալոյ կալ ի պաշտօնն Աստուծոյ»:

Հավարտ քահանայական կոչման արարողության նորընծաները հրապարակավ արտասանեցին ա. Գրիգոր Տաթևացու կողմից սահմանված Հայաստանյայց Առաքելական Եկեղեցու «Հաւատոյ խոստովանութիւն»-ը:

Կիրակի օրը, առավոտյան ժամը 10-ին, Մայր Տաճարում սկսվում է ա. պատարագ: Հանդիսավոր օրվա պատարագիչն է Մայր Աթոռի դիվանապետ գերաշնորհ Տ. Ներսես արքեպիսկոպոս Պողոսյանը:

Ա. Պատարագը շարունակվում է մինչև «Զի ողորմած և մարդասէր եւս Աստուած» աղոթքը, որից հետո խարտավիլակ Տ. Մամիկոն արքեղա Քիլեճյանը բարեշնորհ սարկավագներին, սուրբ սեղանի ձախակողմյան աստի-



Եկեղեցականական ընթացիկացի ցանկ

նաններով, ծնրադիր առաջնորդում է ավագ խորան, ուր նորընծաները, դառնալով դեպի ժողովուրդը, ձեռամբարձ հրաժարվում են աշխարհից՝ կոչվելու համար «մշակք առանց ամօթոյ»։ Հրաժարման պահից և «Աստուածային եւ երկնաւոր շնորհ» հոգեհույզ շարականից հետո նորընծաները ծընրադիր մոտենում են ձեռնադրող սրբազան Հորը և նա իր ձեռքը դնելով նրանց գլխին արտասանում է. «Ես դնեմ զձեռս ի վերայ սորա, և դուք ամենեքեան աղօթս արարէք, զի արժանի լիցի սա զաստիճան քահանայութեան» աղոթքը։ Նորընծաներին շնորհվում է փիլոն, շուրջառ, սաղավարտ կրելու իրավունք։ «Խորհուրդ խորին» շարականի սրտառուչ երգեցողության ընթացքում փակվում է վարագույրը և նորընծաները զգեստավորվում են։

Սուրբ պատարագը շարունակվում է մինչև «Ողջոյն տուք միմեանց» բարոզը։ Ապա ձեռնադրության սրբազան արարողությունը հասնում է իր հոգևոր վերացման բարձունքին. սկսվում է օծման խորհրդավոր պահը։ Ձեռնադրող սրբազան հայրը սրբալույս մեռոնով օծում է նորընծաների ճակատն ու ձեռքերը և նրանց վերանվանում. Էդվարդ սրկ. Միրզախանյանին՝ Տ. Վազգեն քահանա, Կամո սրկ. Մովսիսյանին՝ Տ. Մովսես քահանա։

Քահանայական օծումն ստանալուց հետո նորընծաները, դառնալով ժողովրդին տալիս են իրենց անդրանիկ օրհնությունը «Խաղաղություն ամենեցուն»։

Հավարդ հանդիսավոր ձեռնադրության գերաշնորհ Տ. Ներսես արքեպիսկոպոս Պողոսյանը ոգեշունչ քարոզ խոսեց.

ՆԵՐՍԵՍ ԱՐՔԵՊԻՍԿՈՊՈՍ ՊՈԶԱՊԱԼՅԱՆԻ ՔԱՐՈԶԸ ՄԱՅՐ ՏԱՃԱՐՈՒՄ
ԽՈՍՎԱԾ ՔԱՀԱՆԱՅԱԿԱՆ ԶԵՌՆԱԴՐՈՒԹՅԱՆ ԱՌԹԻՎ
(28 հուլիս 1991 թ.)

«Յանուն Հօր և Որդւոյ և Հոգւոյն Սրբոյ. ամէն».

«Աստուածային և երկնաւոր շնորհ, որ միշտ լնու զպէտս սրբոյ ի սպասարութեան առաքելական եկեղեցւոյ».

«Աստուածային և երկնաւորի շնորհ, որ հոգում է կարիքները առաքելական սուրբ եկեղեցու սպասավորների»։

Սիրելի հավատացյալներ, այսօր Ս. Էջմիածնի Մայր Տաճարում, Աստուծո օգնականությամբ, Ամենայն Հայոց Հայրապետի տնօրինությամբ, քահանայական ձեռնադրության վսեմ խորհուրդը կատարեցինք Հոգևոր Ճեմարանից շրջանավարտ Էդվարդ և Կամո բարեշնորհ սարկավագների վրա։

Իրենց կյանքի հասունության տարիքը թևակոխած Էդվարդ և Կամո սարկավագները իրենց հոժար կամքով ուխտ կնքեցին՝ ծառայելու Աստուծո Սուրբ Սեղանին և այդպիսով՝ Հայաստանյայց Եկեղեցուն և հայ ժողովրդին։ Ձեռնադրության և Ս. մեռոնի օծման միջոցով նրանք ստացան առաքելական շնորհ՝ քարոզելու, մեղաց թողություն պարգևելու, հիվանդների վրա աղոթելու, մեկ խոսքով՝ աստվածային Բանի մատակարարները դառնալու իրենց կյանքի ընթացքում։

Ս. Օծման պահին Էդվարդ սարկավագը վերանվանեցինք Տ. Վազգեն քահանա և Կամո սարկավագը՝ Տ. Մովսես քահանա։ Այսպիսով նրանց մեջ հին մարդը թաղվեց, և Քրիստոսով ծնվեց նոր մարդը Ս. Հոգու միջոցով նրանց մեջ նախկին հողեղեն մեղավոր մարդը դուրս եկավ իր պատյանից,

և նրա փոխարեն այդ պատշաճի մեջ եկավ բնակվելու նոր մարդը իր հոգեվոր շնորհներով:

Ձեռնադրության արարողության ընթացքում ընթերցվեցին մեր եռամեծ հայրապետների և վարդապետների հոգեգմայլ աղոթքներն ու մաղթանքները՝ Ս. Գրիգոր Նարեկացուց, Ս. Ներսես Շնորհալուց, Ս. Գրիգոր Տաթևացուց գնալով մինչև վաղագույն շրջանի հայերը մեր Եկեղեցու՝ Ս. Սահակ Պարթև և Ս. Մեսրոպ Մաշտոց: Նաև ձեր և մեր, բոլորիս աղոթքներով հայցեցինք, որ Ս. Հոգին, ինչպես Հոգեգալսյան պահին, նաև այս պահին իջնի մեր թեկնածուների վրա՝ նրանց օժտելով իր առատաբաշխ շնորհներով, վերանորոգելով նրանց էությունը և նրանց դարձնելով ժրաջան սպասավորներ Հայաստանյայց Առաքելական Սուրբ Եկեղեցու:

Սիրելի հավատացյալներ, Հայաստանյայց Եկեղեցին շուրջ հազար յոթը հարյուր տարվա պատմություն ունի, ունի իր հրաշալի և գերազանցապես ազգային արվեստն ու մակույթը, որ ներծծված է քրիստոնեական գաղափարախոսությամբ: Մեր Եկեղեցին հիմնվել է Քրիստոսի զույգ առաքյալներ Ս. Թադևոսի և Ս. Բարթողիմեոսի քարոզությամբ և նահատակությամբ Հայաստանում առաջին դարում, և ապա չորրորդ դարի սկզբին Ս. Գրիգոր Լուսավորչի և Տրդատ Գ թագավորի ջանքերով քրիստոնեությունը դարձել է պաշտոնական պետական կրոնը Հայաստան աշխարհի և համայն հայության: Մեր Եկեղեցին անքակտելիորեն շաղկապված է հայ կյանքի հետ, նրա պատմությունը միաձուլված է մեր ժողովրդի պատմության հետ նրա և՛ ուրախ, և՛ դառն օրերին: Մեր Եկեղեցին քարեղեն կերտվածք լինելով հանդերձ, է՛ նաև ոգի և թոփշք, հավատք և տեսիլք, կոչում և զոհողություն: Քարը չէ միայն, որ կերտում է Եկեղեցին, այլ՝ Եկեղեցու մեջ ապրող ու շնչող հավատը, նվիրումը: Այս երկուսն են կերտում Եկեղեցին և հավիտենապես կանգուն են պահում այն: Հայ ժողովրդի ողջ պատմության ընթացքում մեր ժողովրդի զավակները լսել են աստվածային կոչման ձայնը և այդ ձայնին անսալով՝ նվիրվել են վսեմ իդեալների, իրենց անձը նվիրել են Եկեղեցուն և իրենց կյանքով երկարել Եկեղեցու կյանքը: Տեսե՛ք, ինչպիսի՜ հրաշալի փառանգ ունենք սրբերի, որոնք հավատով և տեսիլքով անմնացորդ ծառայել են մեր ժողովրդին և Եկեղեցուն: Որքա՜ն մեծ է թիվը մեր նահատակների, որոնք իրենց արյունն են հեղել իրենց հավատի համար և այդպիսով արժանացել հավերժության փառքին: Այսօր մեր Եկեղեցու գոյության համար մենք սլարտական ենք բոլոր նրանց, ովքեր հանուն իրենց ազգի և հավատի չեն զլացել գիտակցորեն իրենց թանկ արյունը թափել: Փա՛ռք մեր եռամեծ հայրերին, որոնք իրենց կյանքով լուսավոր հետք թողեցին մեր կյանքում: Այո՛, եղել են նաև դասավիքներ, սակայն դրանց թիվը մեծ չէ, և Եկեղեցու կյանքի փառավոր շքերթին դրանք արգելք չեն կարողացել հանդիսանալ:

Հայաստանյայց Առաքելական Եկեղեցին այսօր, ավելի քան երբեք, կենդանի է, ծաղկման և պայծառակերտման ճանապարհի վրա, և հուսով ենք, որ գալիք տարիների ընթացքում նա էլ ավելի կամրանա, կգորանա և կխաղա իր էական փրկարար դերը մեր ժողովրդի կյանքում: Այս օրերին, ինչպես անցյալում, Հայաստան դարձյալ մուտք են գործել մի շարք աղանդներ և աղանդավորներ. պետք է հետևողական պայքար ծավալել նրանց դեմ՝ արգելելու համար նրանց թյուր վարդապետության տարածումը մեր երկրում և հեռու պահելու մեր ժողովրդին շփոթից, մոլորությունից և օտարացումից:

Մեզ համար ձեռնադրության այս օրը ուրախության և հոգևոր 'ցնծու-
թյան օր է, որովհետև մեր միաբանության շարքերին են միանում ևս երկու
երիտասարդ, նվիրված հոգևոր հաշրեր: Նրանք այս երեկո, այս սրբազան
կամարների տակ, ուխտ են կատարելու, իբրև կուսակրոն միաբաններ, ծա-
ռայելու մեր Եկեղեցուն: Այս առթիվ նրանց գլխին ենք դնելու խորհրդավոր
մեկ-մեկ վեղար, իբրև նշան սրբության և նպատակի միության: Այս պահին
մեր սիրտը լցված է նոր և հուսատու զգացումներով. մենք մեզ զգում ենք
առավել գոտեպնդված այն մտածումով, որ նոր սերունդը, հետևելով իր նա-
խորդների օրինակին, բարձր է պահում հավատի ջահը՝ այն փոխանցելու
համար հաջորդ սերունդներին:

Այս ուրախ առիթով, արտագին շնորհավորում ենք Ամենայն Հայոց Վեհափառ Վազգեն Ա. Կաթողիկոսին: Վեհափառ աշխատանքը Հոգևոր Ճեմարանի հարկի տակ և ընդհանրապես հոգևոր կյանքի ասպարեզում անգնահատելի է: Նրա շունչը վստահաբար այս նորապսակ հոգևոր եղբայրներից տվել է տեսիլք և կոչման գիտակցություն:

Հայաստանյայց Եկեղեցին ծնված լինելով հայ ժողովրդի ծոցից իբրև
հրա հավատի խորհրդանիշը՝ հավիտենական է։ Նորակերտող Սուրբ Հոգին
մեր Եկեղեցու ծոցում հրաշքներ է գործում, շնորհագարդում է մեր երիտա-
սարդներին, պարգևում նրանց իդեալ ու տեսիլք և առաջնորդում նրանց դե-
պի սրբազան ծառայություն։ Նույն Սուրբ Հոգին, հուսահատության և վե-
հերոտության պահերին, մեզ տալիս է կորով ու գորություն, մեզ ոգևորում է,
մեզ լցնում է լավատեսությամբ, մեզ գրահում է իր շնորհներով, որպեսզի
մեր առաջ դրված արգելքները կարողանանք հաղթահարել։ Լույս է Սուրբ
Հոգին՝ մեր կյանքի խավարը փարատող։

Սրտանց շնորհավորում եմ նորապսակ մեր հոգևոր եղբայրներին՝ Տ. Վազգեն և Տ. Մովսես հայրերին, նրանց ծնողներին, հարազատներին և սույն արարողության ներկա գտնվող հավատացյալ մեր ժողովրդին: Թող Աստված հաստատ, անասան և աներեր պահի նորապսակ մեր հոգևոր եղբայրներին իրենց կոչման և հավատի վեմի վրա, որպեսզի լուսավորչյան հավատի կանթեղից նրանք իրենց հերթին ջամբեն հավատի լույսը մեր ժողովրդին երկա՛ր-երկա՛ր տարիներ:

«Խաղաղութիւն թողում ձեզ, զխաղաղութիւն զիմ տամ ձեզ, ոչ որպէս աշխարհն տայ՝ տամ ես ձեզ»։ (Հովհ. ԺԴ. 27)։ Ամէն։

Նույն օրը երեկոյան ժամերգութիւնից հետո, կատարվեց «Օրհնութիւն արեղայի» և «Օրհնութիւն վեղարի» կարգի՝ ըստ Զեռնադրութեան Մաշտոցի, և Տ. Վազգեն արեղա Միրզախանյանն ու Տ. Մովսէս արեղա Մովսիսյանը ստացան կուսակրոն քահանայութեան խորհրդանիշ վեղարը:

* * *

«Էջմիածին» ամսագրի խմբագրությունը շնորհավորում է նորընծա ա-
րեղաներին և հույս հայտնում, որ նրանք կդառնան «Հովի քաջ» և խոնար-
հաբար կսպասավորեն Հայաստանեայց Ս. Եկեղեցին:

